

PANDRAMA DI ARUBA SU CARNAVAL.

Den e hemisferio di Caribe, un archipelago den Oceano Atlantico, tin un isla cu tin un largura di 32 km y den su punto di mas hanchu e ta jega na 8 km. E isla aki cu ta hiba e nomber Aruba, cu ta wordo habita pa pa + 65.000 habitante humilde, saxseno y laborioso den e prome dos lunanan ta wordo, transforma den un escenario di fiesta. E fiesta di Carnaval.

E temporada exacto ta di 11 di november, 11 anochi te cu diamars e dia prome cu diarenzon di shinishi.

E temporada di fiesta Carnaval ta wordo interumpi pa dos celebracion, uno di Alabanza na Dios, cu ta Pasco di Nacemento (Maria di Nazareth lo ta duna luz na un jui nomber cu segun profesia ta carga e nomber di Hesus, jui di Dios).

I un otro di bendicion cu ta Aña Nobo cu su paranda di bishita y dande. Antes tres rey tambe tabata wordo celebra dia 6 di Januari cu ta un paranda di bishita disfresa. Aki ta visto cu religion tabata haya un toque di Carnaval of ta Carnaval ta haya un tiki influencia di christianisimo. Awendia e tres rey ta wordo conmemora ariba 1 Januari den nos iglesianan.

Asina cu e ambiente di pasco cu aña nobo mangua, e fomentacion di musica Carnavalesco, continuacion di e programa di Carnaval y e reactividad di gruponan participante ta sigui su curso.

Eleccionnan di Prins cu Pancho y di Reinanan ta tuma lugar, composicionnan y areglonan presenta pa un vocalista den e ritmonan di Calypso, Roadmarch y Tumba ta wordo escogi den festivalnan tradicional, pa bira e musica cu e agrupacionnan musical lo toca den e culminacionnan di e fiesta di carnaval cu ta e paradanan, unda nos cayanan ta bira e esenario pa agrupacionan flotanan y gruponan tur cu disfrasnan bonita acaba.

E actividadnan aki, ariba e isla cu apenas su punto mas halto riba nivel di lama ta alcanza 199 m, ta pone tur su hendenan den un euforia incomparable. E colmo ta e parada grandi den O'Stad unda e publiko ta acomoda su mes na banda di e ruta cu trailernan tur decora. Impresarionan di masa-comunicacion, autoridad di seguridad y ordo ta dirigi, vigila e ambiente cu ta adecuadamente organisa. Un y tur ta contempla, bailando y gozando di e beyeza di Aruba su creatividad.

Tur aña tin un otro refran, pero esun cu ta keda semper graba ta "Carnaval di Aruba si ta Carneval".

Elvys Epy Tromp
Instituto di Cultura
January 1994.